

## OMMAVIY OFERTA

### “UZUM BANK Visa kartasini ilgari surish bo'yicha 40-6-4 bonus dasturi” reklama aksiyasida ishtirok etish qoidalariga qo'shilish to'g'risida (2025-yil 25-12 dagi yangi tahrir)

Toshkent sh.

2025-yil 8-oktabr

#### 1. UMUMIY QOIDALAR

1.1. Ushbu “UZUM BANK Visa kartasini ilgari surish bo'yicha 40-6-4 bonus dasturi” reklama aksiyasini o'tkazish qoidalar (bundan keyin – Qoidalar va Aksiya deb yuritiladi) shartnomaning barcha muhim shartlarini o'z ichiga oladi hamda O'zbekiston Respublikasi Fuqarolik kodeksining 367-moddasi va 369-moddasining ikkinchi qismiga muvofiq ommaviy oferta (bundan keyin – Oferta) hisoblanadi. Qoidalarda Aksiyada ishtirok etish tartibi, ishtirokchilarga Bonus to'lash shartlari, shuningdek Aksiyani tashkil etish va o'tkazishning boshqa muhim shartlari bayon etiladi.

1.2. Aksiya rag'batlantiruvchi aksiya bo'lib, Bank mobil ilovasida Ishtirokchilarning faolligini oshirish, Bank mobil ilovasining funksional va texnik imkoniyatlarini namoyish etish hamda ochib berish, e'tiborni jalb qilish, brendning tanilganligini va sodiqlik darajasini oshirish, shuningdek Ishtirokchilarning Aksiya Tashkilotchisining tovar belgilari, mahsulotlari va xizmatlariga bo'lgan qiziqishini saqlab qolish va oshirish orqali ularni bozorga yanada ilgari surish maqsadida o'tkaziladigan tadbirlar majmuasini anglatadi.

1.3. Aksiya O'zbekiston Respublikasining 2022-yil 7-iyundagi №776-son “Reklama to'g'risida”gi Qonuni ma'nosida lotereya, qimor o'yini yoki tavakkalchilikka asoslangan boshqa o'yin hisoblanmaydi. Aksiya o'tkazish tartibi to'lovni amalga oshirish bilan bog'liq emas, ishtirokchilar Aksiyada qatnashish bilan bog'liq hech qanday moliyaviy tavakkalchilikni o'z zimmalariga olmaydilar.

1.4. Aksiyada ishtirok etish orqali Ishtirokchi shu bilan o'zining shaxsiy ma'lumotlarini Tashkilotchi tomonidan faqat ushbu Oferta va Tashkilotchining Maxfiylik siyosatida nazarda tutilgan Aksiyani o'tkazish maqsadlarida qayta ishlashga to'liq va so'zsiz roziligini bildiradi.

1.5. Aksiya “UZUM BANK” AJ (bundan keyin – Tashkilotchi/Bank) tomonidan tashkil etilgan.

1.6. Tashkilotchining aloqa ma'lumotlari:

Telefon raqami: +998 78 777 07 99.

Yuridik manzil: O'zbekiston Respublikasi, Toshkent shahri, Mirobod tumani, Fidokor ko'chasi, 30-uy.

Veb-sayt: [www.uzumbank.uz](http://www.uzumbank.uz).

1.7. Aksiya O'zbekiston Respublikasi hududida o'tkaziladi.

1.8. Quyidagi barcha shartlarga bir vaqtning o'zida javob beradigan Mijozlar (bundan keyin – Ishtirokchilar) Aksiyada qatnashish huquqiga ega:

- Bank kartasi egasi bo'lishi;
- Telegram-botda ro'yxatdan o'tgan bo'lishi;
- Ofertani so'zsiz va shartsiz aksept qilgan bo'lishi
- Qoidalarining 1.9-bandida ko'rsatilgan mezonlarga mos kelmaydigan shaxslar.

1.9. Quyidagi shaxslar Aksiyada Ishtirokchi sifatida ishtirok etish huquqiga ega emaslar:

- Tashkilotchining xodimlari; va/yoki
- Tashkilotchi tomonidan o'tkazilayotgan boshqa rag'batlantiruvchi aksiyalar doirasida Telegram-botda allaqachon ro'yxatdan o'tgan shaxslar.

Aksiyada ishtirok etayotgan shaxs mazkur cheklovlar o'ziga nisbatan qo'llanilishini aniqlagan taqdirda, bu haqida darhol Bankni xabardor qilishi va/yoki Ishtirokchi sifatida Aksiyada keyingi ishtirokini to'xtatishi shart. Ushbu holatni yashirish va cheklovlarga qaramasdan Aksiyada ishtirokni davom ettirish Qoidalar buzilishi deb hisoblanadi va bunday shaxsning Aksiyada ishtirok etishdan diskvalifikatsiya qilinishiga olib

keladi. Mazkur cheklovni buzgan Ishtirokchi avtomatik ravishda Aksiyadan chiqariladi. Agar ushbu cheklov buzilishi aniqlansa, Tashkilotchi bunday shaxsga Bonus berishni rad etish huquqiga ega, agar Bonus allaqachon berilgan bo'lsa, Tashkilotchi Bonusni qaytarishni talab qilishga va/yoki Bonus summasini Bank kartasidan mustaqil ravishda yechib olishga haqlidir.

1.10. Aksiya 2025-yil 8-oktabr soat 00:00 dan (Toshkent vaqti bilan) 2026-yil 31-mart soat 23:59 gacha (Toshkent vaqti bilan) davom etadi (bundan keyin – Aksiya muddati).

1.11. Tashkilotchi Aksiyani uzaytirish yoki muddatidan avval yakunlash huquqiga ega. Bunday qaror qabul qilingan taqdirda, Tashkilotchi bu haqda Ishtirokchilarni o'zining rasmiy Internet resurslarida – <https://uzumbank.uz> veb-saytida, Bankning mobil ilovasida va/yoki Telegram-botida ma'lumot joylashtirish orqali xabardor qiladi.

1.12. Ushbu Oferta doirasida quyidagi atamalar qo'llaniladi:

**Bonus** – Qoidalarga muvofiq shartlarni bajargan Ishtirokchiga pul shaklida to'lanadigan mukofot.

**Bank kartasi** – Bank tomonidan chiqarilgan Visa Classic bank kartasi.

**Mijoz** – Bank bilan kompleks bank xizmatlari ko'rsatish shartnomasini tuzgan va shaxsni identifikatsiyadan muvaffaqiyatli o'tkazgan muomala layoqatiga ega jismoniy shaxs.

**Bank mobil ilovasi** – Bankning jismoniy shaxslar uchun mo'ljallangan mobil ilovasi.

**Bank kartasini rasmiylashtirish havolasi** – Tashkilotchi tomonidan yaratilgan va muayyan Ishtirokchiga biriktirilgan, jismoniy shaxslarni Bank kartasini rasmiylashtirishga taklif qilish maqsadida tarqatiladigan noyob giperhavola.

**Aksiyada ishtirok etish havolasi** – Tashkilotchi tomonidan yaratilgan va muayyan Ishtirokchiga biriktirilgan, Mijozlarni, Bank kartasi egalari, Aksiyada ishtirok etishga taklif qilish maqsadida tarqatiladigan noyob giperhavola.

**Havolalar** – Bank kartasini rasmiylashtirish havolasi va Aksiyada ishtirok etish havolasi birgalikda tilga olinganda.

**Telegram-bot** – Tashkilotchining Telegram messenjeridagi rasmiy boti @UzumBankRbot.

**1-darajali taklif etilgan shaxs** – quyidagi shartlarga javob beradigan jismoniy shaxs: 1) Ishtirokchidan Aksiyada ishtirok etish uchun havolani olgan, 2) Aksiyada ishtirok etgan.

**2-darajali taklif etilgan shaxs** – quyidagi shartlarga javob beradigan jismoniy shaxs: 1) 1-darajali taklif etilgan shaxsdan Aksiyada ishtirok etish uchun havolani olgan; 2) Aksiyada ishtirok etgan.

## **2. OFERTANI QABUL QILISH TARTIBI VA AKSIYANI O'TKAZISH SHARTLARI**

### **Ofertani aksepti**

2.1. Ushbu Ofertani aksepti deb Ishtirokchining Ishtirokchining Qoidalarining 2.2-bandiga muvofiq Telegram-botda ro'yxatdan o'tishi hisoblanadi.

### **Tashkilotchining Telegram-botida ro'yxatdan o'tish tartibi**

2.2. Tashkilotchining Telegram-botida ro'yxatdan o'tish uchun Ishtirokchi quyidagilarni bajarishi lozim:

2.2.1. Quyidagi havola orqali o'tish: <https://t.me/UzumBankRbot?start=oferta40-6-4>;

2.2.2. Oferta bilan tanishilganini va unga so'zsiz rozilik bildirilganini tasdiqlovchi "Roziman" tugmasini bosish;

2.2.3. Telegram-botda ro'yxatdan o'tishda zarur bo'lgan maydonlarni to'ldirish.

### **Tashkilotchining Telegram-botida ro'yxatdan o'tishning vaqtinchalik tartibi**

- 2.3. Aksiya davrida ishtirokchilarni teng taqsimlash va Tashkilotchining Aksiya bo'yicha moliyaviy xarajatlarini nazorat qilish maqsadida, Tashkilotchi 2025-yil 15-12 (shu kuni ham qo'shilgan holda)gacha Telegram-botda vaqtinchalik hisobga olish va ro'yxatdan o'tish tartibini joriy etadi.
- 2.4. Aksiyada boshqa Ishtirokchining Havolasi orqali emas, balki mustaqil ravishda Telegram-botda ro'yxatdan o'tgan ishtirokchilar Tashkilotchiga Aksiyada ishtirok etish uchun ariza yuboradilar.
- 2.5. Tashkilotchi o'z ixtiyoriga ko'ra, ishtirokchining Aksiyada ishtirok etish haqidagi arizasini tasdiqlash yoki rad etish to'g'risida qaror qabul qiladi. Qaror quyidagi omillar asosida qabul qilinadi: ro'yxatdan o'tgan ishtirokchilar soni, Aksiya bo'yicha moliyaviy xarajatlar, ichki limitlar va byudjet cheklavlari, shuningdek Telegram-botning texnik ishlash holati. Tashkilotchi qaror qabul qilganda ishtirokchiga qarorni asoslab berish, mezonlarni, metodologiyani yoki qaror qabul qilish algoritmlarini oshkor etish majburiyatiga ega emas.
- 2.6. Tashkilotchi ishtirokchining arizasi bo'yicha qarorni 2025-yil 16-12 (shu kuni ham qo'shilgan holda) gacha, ariza topshirilgan sanadan qat'i nazar, qabul qiladi.
- 2.7. Boshqa ishtirokchining Havolasi orqali Aksiyada ro'yxatdan o'tgan ishtirokchilar ariza topshirmasdan va alohida tasdiqlash jarayonidan o'tmasdan, Telegram-botda avtomatik tarzda ro'yxatdan o'tadilar.
- 2.8. Ofertaning 2.3-bandida ko'rsatilgan muddat tugaganidan so'ng, Telegram-botdagi vaqtinchalik ro'yxatdan o'tish tartibi bekor qilinadi va har bir ishtirokchi Tashkilotchining Telegram-botida ariza tasdiqlash jarayonisiz ro'yxatdan o'tadi.

#### **Bonus olish shartlari**

- 2.9. Ishtirokchilar Havolalarni Tashkilotchining Telegram-botida oladilar.
- 2.10. Ishtirokchilar quyidagi harakatlarni bajarganliklari uchun Bonus oladilar:

<b>Nomi</b>	<b>Tavsif</b>	<b>Bonus miqdori</b>
1-daraja	<p>Ishtirokchi jismoniy shaxsga Bank kartasini rasmiylashtirish uchun Havolani yuboradi.</p> <p>Jismoniy shaxs Bank mijoziga aylanadi va ushbu havola orqali Bank kartasini rasmiylashtiradi.</p> <p><i>Misol: Siz (Ishtirokchi) do'stingiz Ali ga Bank kartasini rasmiylashtirish uchun Havolasini yubordingiz. Ali kartani rasmiylashtirdi — Siz 40 000 so'm bonus olasiz.</i></p>	Ishtirokchi 40 000 so'm oladi
2-daraja	<p>Ishtirokchi 1-darajali Taklif etilgan shaxs Aksiyada ishtirok etish uchun Havolani yuboradi.</p> <p>1-darajali Taklif etilgan shaxs Aksiyada ishtirok etadi va yangi mijozni jalb qiladi, u Bank kartasini rasmiylashtiradi.</p> <p><i>Misol: Siz (Ishtirokchi) do'stingiz Ali ga Aksiyada ishtirok etish uchun havola yubordingiz. Ali bu havolani dugonasi Dilnora ga yubordi. Dilnora Bank kartasini rasmiylashtirdi — Siz 6 000 so'm bonus olasiz.</i></p>	Ishtirokchi 6 000 so'm oladi
3-daraja	<p>1-darajali Taklif etilgan shaxs o'zining Havolasini 2-darajali Taklif etilgan shaxsga yuboradi.</p>	Ishtirokchi 4 000 so'm oladi

	<p>2-darajali Taklif etilgan shaxs Aksiyada ishtirok etadi va yangi mijozni jalb qiladi, u Bank kartasini rasmiylashtiradi.</p> <p><i>Misol: Siz Alini taklif qildingiz. Ali Dilnorani taklif qildi. Dilnora esa Muhammadga Bank kartasini rasmiylashtirish uchun Havolasini yubordi. Muhammad kartani rasmiylashtirdi — Siz 4 000 so‘m bonus olasiz.</i></p>	
--	---	--

2.11. Ofertaning 2.10-bandida ko‘rsatilgan darajalardan qat’i nazar, Havola orqali Bank kartasini rasmiylashtirish quyidagi shartlarga muvofiq amalga oshirilishi lozim:

2.10.1. Bank kartasi Havolani olgan kundan boshlab 7 (yetti) kalendar kuni ichida rasmiylashtirilgan bo‘lishi kerak;

2.10.2. Bankning Mijoziga aylangan va Havola orqali Bank kartasini rasmiylashtirgan jismoniy shaxs ilgari Bank kartasi egasi bo‘lmagan bo‘lishi kerak;

2.10.3. Jismoniy shaxs Bank kartasini aynan Ishtirokchi yuborgan Havola orqali rasmiylashtirgan bo‘lishi kerak.

2.12. Ishtirokchi Havolalarni faqat quyidagi usullar orqali tarqatish huquqiga ega:

- jismoniy shaxs bilan shaxsan uchrashuv va muloqot chog‘ida; va/yoki
- shaxsiy yozishmalar orqali (messengerlar, ijtimoiy tarmoqlar, e-mail yoki boshqa bevosita aloqa kanallari orqali).

2.13. Tashkilotchi Ishtirokchiga kalendar oy davomida to‘plangan umumiy Bonus summasini (hisobot oyi) hisobot oyidan keyingi oyning 10 (o‘ninchi) sanasidan kechiktirmay Ishtirokchining Bank kartasiga o‘tkazadi.

2.14. Ishtirokchi Telegram-bot orqali kutilayotgan bonus to‘lovlari haqidagi ma’lumotni ko‘rishi mumkin.

2.15. Quyidagi hollarda bonus to‘lanmaydi:

2.15.1. Mijoz Ofertaning 1.8-bandida ko‘rsatilgan barcha talablarga mos kelmasa;

2.15.2. Ishtirokchining, 1-darajali Taklif etilgan shaxsning va/yoki 2-darajali Taklif etilgan shaxsning Bank kartasini rasmiylashtirish Havolasi orqali Bank kartasini rasmiylashtirgan yangi Mijoz Bonus tegishli Ishtirokchiga to‘lanadigan sanagacha Bank kartasini bloklagan va/yoki yopgan bo‘lsa; va/yoki

2.15.3. Ishtirokchi Oferta shartlarini buzgan bo‘lsa; va/yoki

2.15.4. Ofertaning 2.19 va 2.20-bandlarida ko‘rsatilgan hollarda.

2.16. Aksiya doirasida barcha Ishtirokchilar uchun Bonus to‘lovlari bo‘yicha umumiy limit 500 000 000 (besh yuz million) so‘m etib belgilangan. Mazkur limitga erishilganda, Tashkilotchi Ishtirokchilarni oldindan xabardor qilmasdan Aksiyani muddatidan oldin yakunlash huquqiga ega.

2.17. Ishtirokchiga (o‘zi yoki uchinchi shaxslar orqali), birgalikda yoki alohida quyidagilarni amalga oshirish taqiqlanadi:

- har qanday Havolani (o‘ziniki yoki boshqa ishtirokchilarniki) Internetdagi ochiq manbalarda (ijtimoiy tarmoqlar, forumlar, reklama platformalari va boshqalar) joylashtirish yoki tarqatish;
- jismoniy shaxs nomiga uning rozilgisiz Bank kartasini rasmiylashtirish;
- Tashkilotchi, Aksiya, Bank kartasi yoki boshqa mahsulotlar haqida yolg‘on yoki chalg‘ituvchi ma’lumot tarqatish;
- Tashkilotchining ishchanlik obro‘sigacha zarar yetkazuvchi, ishonch darajasini kamaytiruvchi yoki chalg‘ituvchi harakatlarni sodir etish;

– tegishli Havola oluvchisi bo‘lgan jismoniy shaxsning roziligisiz har qanday Havolani (o‘ziga tegishli yoki boshqa Ishtirokchilarga tegishli bo‘lishidan qat’i nazar) tarqatish. Ishtirokchi qonunbuzarliklar yoki rozilik olinmagan holatlardan kelib chiqadigan salbiy oqibatlar uchun to‘liq javobgarlikni o‘z zimmasiga oladi.

2.18. Bank quyidagi ikki shart bir vaqtda mavjud bo‘lganda Ishtirokchini Aksiyadan chetlashtirishga yoki uning ishtirokini noma’lum muddatga to‘xtatib turishga haqli:

– so‘nggi 7 kun ichida Ishtirokchi orqali Bank kartasini rasmiylashtirgan yangi Mijozlar soni 10 nafardan ortiq bo‘lsa; va

– ushbu yangi Mijozlarning 20% dan kamrog‘i Bank kartasini faollashtirgan bo‘lsa.

Ushbu band doirasida Bank kartasini faollashtirish — bu karta bo‘yicha birinchi tranzaksiya amalga oshirilganligini anglatadi.

Bank yuqoridagi choralarni oldindan ogohlantirmasdan qo‘llashga va Ishtirokchining ishtirokini o‘z xohishiga ko‘ra tiklashga haqlidir.

2.19. Tashkilotchi Bonusni jismoniy shaxs tomonidan Havolalar orqali o‘tish fakti to‘g‘ri va tegishli tarzda ro‘yxatdan olingan taqdirda to‘laydi. Jismoniy shaxs tomonidan Havolalar orqali o‘tish faktini ro‘yxatdan olishning yagona ishonchli manbai Tashkilotchining ichki hisobga olish tizimi ma’lumotlari hisoblanadi. Agar mazkur fakt Tashkilotchining tizimida qayd etilmagan bo‘lsa, Ishtirokchi yoki uchinchi shaxslar tomonidan taqdim etilgan skrinshotlar yoki boshqa dalillarga asoslangan har qanday talablar, da’volar va boshqa e’tirozlar ko‘rib chiqilmaydi hamda Bonus to‘lanmaydi.

2.20. Tashkilotchi jismoniy shaxs tomonidan Havolalar orqali o‘tish fakti Tashkilotchining ichki hisobga olish tizimida qayd etilmasligi uchun javobgar emas, agar bu holat jismoniy shaxslarning qurilmalaridagi texnik sozlamalar, xususiyatlar, nosozliklar, muammolar yoki xatoliklar bilan bog‘liq bo‘lsa, jumladan, ammo ular bilan cheklanmagan holda:

- jismoniy shaxslar qurilmalaridagi maxfiylik va xavfsizlik sozlamalari (shu jumladan, lekin ular bilan cheklanmagan holda, Apple ATT cheklovlari, Android Privacy Sandbox sozlamalari);
- jismoniy shaxslar tomonidan reklama bloklovchi dasturiy ta’minotlardan (AdBlock va shunga o‘xshash vositalar) foydalanilishi;
- brauzerlar yoki operatsion tizimlar aybi bilan UTM-belgilar yoki Havolalarning boshqa parametrlarining uzatilmasligi;
- ijtimoiy tarmoqlarning ichki brauzerlari (in-app browsers) ishlashining o‘ziga xos xususiyatlari.

### **3. AKSIYA YAKUNIY QOIDALARI**

3.1. Ishtirokchi Tashkilotchining qo‘llab-quvvatlash xizmatiga murojaat yuborish orqali Aksiyada ishtirok etishni to‘xtatish huquqiga ega. Tashkilotchi bunday murojaatni O‘zbekiston Respublikasi qonunchiligiga muvofiq ko‘rib chiqadi. Bunda Bank Tashkilotchi murojaatni olgan sanaga qadar Ishtirokchiga hisoblangan Bonusni to‘laydi va Ishtirokchi tomonidan Aksiya shartlari bajarilgan-bajarilmaganidan qat’i nazar, murojaat olinganidan keyin Bonus hisoblamaydi.

3.2. Aksiya o‘tkazilishi to‘g‘risidagi ma’lumotlarga Aksiya tugaganidan so‘ng 6 (olti) oy davomida kirish imkoni saqlanadi.

3.3. Tashkilotchi quyidagilar uchun javobgar emas:

– Tashkilotchi tomonidan joylashtirilgan Oferta shartlari bilan tanishish imkoniyatining ishtirokchilar uchun mavjud emasligi;

– Ishtirokchilar tomonidan Ofertada nazarda tutilgan majburiyatlarning o‘z vaqtida yoki umuman bajarilmaganligi.

3.4. Aksiyada ishtirok etgan holda, Ishtirokchi quyidagilarga o‘z roziligini bildiradi:

- Ofertada nazarda tutilgan Bonusni olish tartibi va shartlariga;

- Ofertaning barcha shartlari bilan to‘liq tanishgan, ularga to‘liq rozi va hech qanday istisno yoki e’tirozsiz ularni qabul qiladi hamda bajarishni o‘z zimmasiga oladi;
- huquqiy layoqatga ega va Tashkilotchi bilan shartnomaviy munosabatlarga kirishish huquqiga ega ekanligini tasdiqlaydi;
- agar Aksiya davomida uchinchi shaxslarning huquqlari buzilishi sababli Tashkilotchiga nisbatan da’volar bildirilsa, Ishtirokchi ushbu nizolarni mustaqil hal etadi va Tashkilotchini har qanday da’volar va shikoyatlardan ozod etadi;

– Ishtirokchi tomonidan Qoidalar shartlari buzilgan taqdirda, Tashkilotchining talabiga binoan Tashkilotchiga yetkazilgan barcha zararni (haqiqiy zarar va yo‘qotilgan foyda) to‘liq qoplaydi, jumladan, lekin ular bilan cheklanmagan holda: Tashkilotchining ishbilarmonlik obro‘sigacha yetkazilgan zarar, davlat organlari, uchinchi shaxslar, hamkorlar yoki mijozlar tomonidan bildirilgan da’volar, huquqiy himoya xarajatlari, jarimalar, kompensatsiyalar va obro‘ni tiklash bilan bog‘liq xarajatlar.

3.5. Ishtirokchi tomonidan Qoidalar shartlari buzilgan, firibgarlik harakatlari, til biriktirish, ma’lumotlarni soxtalashtirish, to‘g‘ridan to‘g‘ri yoki bilvosita manfaatdor shaxslar bilan kelishuvlar aniqlangan hollarda yoki guruhli ishtirokda bunday holatlar aniqlanganda, Tashkilotchi bir tomonlama tartibda ishtirokni to‘xtatish va berilgan Bonusni bekor qilish huquqiga ega.

3.6. Bank istalgan vaqtda ushbu Ofertani o‘zgartirish yoki to‘ldirish huquqini o‘zida saqlab qoladi, bu haqda e’lonni Bankning <https://uzumbank.uz> saytidagi tegishli xabar joylashtirish orqali amalga oshiradi. Aksiya Qoidalarini Bank saytida tegishli e’lon joylashtirilganidan so‘ng 10 (o‘n) kundan keyin o‘zgartirilgan deb hisoblanadi. Qoidalar o‘zgartirishlari alohida hujjat tarzida yoki Aksiya Qoidalarining yangi tahriri sifatida joylashtirilishi mumkin. Ishtirokchilar Qoidalaridagi o‘zgarishlarni mustaqil ravishda kuzatishlari shart.

3.7. Bank Ofertani istalgan vaqtda bir tomonlama o‘zgartirish va to‘ldirish huquqini o‘zida saqlab qoladi, bu haqida Bankning <https://uzumbank.uz> manzilidagi veb-saytida xabarnoma e’lon qilish orqali amalga oshiriladi. Aksiya Qoidalariga kiritilgan o‘zgartirishlar alohida hujjat ko‘rinishida yoki Qoidalarining yangi tahriri sifatida Bank saytida e’lon qilinishi mumkin. Agar tegishli hujjatda boshqacha ko‘rsatilmagan bo‘lsa, Qoidalar Bank saytida e’lon qilingan paytdan boshlab o‘zgartirilgan hisoblanadi. Ishtirokchilar Qoidalaridagi o‘zgarishlarni mustaqil ravishda kuzatib borishlari va buning uchun Bank saytiga muntazam tashrif buyurishlari shart.

3.8. Tashkilotchi Ishtirokchining xatolari natijasida yuzaga kelgan har qanday oqibatlar, shu jumladan (lekin ular bilan cheklanmagan holda) zararlar uchun javobgar emas.

3.9. Tashkilotchi O‘zbekiston Respublikasi qonunchiligi va Ofertaga muvofiq, hujjatlarni soxtalashtirish, Ofertani buzish yoki qonun talablariga zid harakat qilgan har qanday Ishtirokchining Aksiyada ishtirokini taqiqlash huquqiga ega.

3.10. Tashkilotchi Aksiyada firibgarlikni oldini olish maqsadida istalgan vaqtda qo‘shimcha texnik cheklovlarni joriy etish huquqiga ega. Agar Ishtirokchining insofsiz harakati aniqlansa, u Aksiyada ishtirok etishdan chetlashtiriladi.

3.11. Tashkilotchi Aksiyada ishtirok etishning insofililigini o‘zida mavjud texnik imkoniyatlardan kelib chiqib va O‘zbekiston Respublikasi qonunchiligi hamda Ofertaning qoidalarini inobatga olgan holda mustaqil baholaydi.

3.12. Tashkilotchi fors-major holatlar yuzaga kelgan taqdirda (tabiiy ofatlar, yong‘in, suv toshqini, harbiy harakatlar, blokada, pandemiya bilan bog‘liq karantin choralar, qonunchilikdagi jiddiy o‘zgarishlar va boshqa nazoratdan tashqari holatlar) javobgar emas.

3.13. Ofertada nazarda tutilmagan munosabatlar O‘zbekiston Respublikasi amaldagi qonunchiligiga muvofiq tartibga solinadi.

3.14. Tomonlarning javobgarligi va nizolarni hal etish tartibi O‘zbekiston Respublikasi amaldagi qonunchiligi talablari asosida belgilanadi. Aksiya bilan bog‘liq barcha nizolar muzokaralar yo‘li bilan hal etiladi. Agar kelishuvga erishishning iloji bo‘lmasa, nizo O‘zbekiston Respublikasi qonunchiligiga muvofiq tegishli sudda ko‘rib chiqiladi.

- 3.15. Oferta Ishtirokchi tomonidan aksept amalga oshirilganidan so'ng kuchga kiradi va 1.9-bandda ko'rsatilgan muddat tugaguniga qadar yoki Tashkilotchi tomonidan bekor qilinguniga qadar amal qiladi.
- 3.16. Oferta Ishtirokchi tomonidan aksept amalga oshirilganidan so'ng kuchga kiradi va Ofer-taning 1.10-bandida ko'rsatilgan muddat tugaguniga qadar yoki Qoidalarining 2.16-bandiga muvofiq muddatidan oldin bekor qilinguniga qadar amal qiladi.
- 3.17. O'zbekiston Respublikasi qonunchiligiga muvofiq, Bonus sifatida olingan summalar soliq solishga tortilmaydi.
- 3.18. O'zbekiston Respublikasi Soliq kodeksining 369-moddasiga muvofiq, Bonus ko'rinishida olingan summalar soliqqa tortilmaydi.
- 3.19. Aksiya doirasida hisoblanadigan Bonuslar Tashkilotchi bilan mehnat munosabatida bo'lgan Ishtirokchiga lavozim majburiyatlari uchun haq to'lash, tovar yetkazib berish, ish bajarish, xizmat ko'rsatish yoki moddiy yordam sifatida to'lanmaydi.